



Caderno da crítica

Cuestionario Proust: Marilar Aleixandre

[Ramón Nicolás 31 Maio 2014](#)

1.– Principal trazo do seu carácter?

– Talvez o perfeccionismo.

2.– Que calidade aprecia máis nas persoas?

– O espírito crítico.

3.– Que agarda das súas amizades?

– Que me acompañen no camiño (ás veces por causas perdidas).

4.– A súa principal eiva?

– A impaciencia.

5.– A súa ocupación favorita?

– Ler.

6.– O seu ideal de felicidade?

– A felicidade adopta moitas formas, o amante, os libros, camiñar polo monte entre os abruñeiros en flor.

7.– Cal sería a súa maior desgraza?

– Perder a capacidade de razoar.

8.– Que lle gustaría ser?

– Gústame ser o que son, escritora e investigadora sobre o pensamento crítico.

9.– En que país desexaría vivir?

– Eu vivo aquí en Galicia porque é onde quero vivir.

10.– A súa cor favorita?

– Azul.

11. – A flor que máis lle gusta?

– A flor do abruñeiro, ou a cerdeira, as maceiras, a rosa ventureira, as flores de cinco pétalos desas árbores (da familia da rosa).

12.– O paxaro que prefire?

– O animal que prefiro é o lagarto arnal, supoño que vale por estar emparentado cos dinosauros e as aves.

13.– A súa devoción na prosa?

– Conrad.

14.– E na poesía?

– Sylvia Plath.

15.– Un libro?

– *Dart* (é o nome dun río) de Alice Oswald.

16.– Un heroe de ficción?

– Corto Maltés.

17.– Unha heroína?

– Scout Finch, a protagonista de “Matar un reiseñor” de Harper Lee.

18.– A súa música favorita?

– Uns días a sonata para piano e violín en si bemol K378 de Mozart, outros Lester Young ao clarinete (mellor que ao saxo) tocando “I cover the waterfront”.

19.– Na pintura?

– O autorretrato de Kazimir Malevich, o autorretrato de Egon Schiele (“Poeta”).

20.– Un heroe ou heroína na vida real?

– Rosa Luxemburgo, que pagou coa vida ser crítica co seu país e o seu partido.

21.– O seu nome favorito?

– Kalypso (é o nome dunha amiga grega).

22.– Que hábito alleo non soporta?

– Choromicar, facerse a vítima.

23.– O que máis odia?

– O machismo.

24.– A figura histórica que máis despreza?

– Franco, pois tiven que aturalo.

25.– Un feito militar que admire?

– A deserción.

26.– Que don natural lle gustaría ter?

– Cantar.

27. – De que maneira lle gustaría morrer?

– Mentres estou durmindo.

28.– Cal é o seu estado de ánimo máis habitual?

– Esgazada entre varios proxectos que quero facer a un tempo.

29.– Que defectos lle inspiran máis indulxencia?

– A gula.

30.– Un lema na súa vida?

– Rebelarse contra o establecido para mudalo.